

四庫全書

集部

欽定四庫全書

集部

文苑英華卷

九百九十七至
一千

詳校官庶亨臣龍廷槐

助教臣常循覆勘

總校官進士臣朱 銜

校對官助教臣羅萬選

謄錄監生臣顧裕涇

欽定四庫全書

文苑英華卷九百九十七

宋 李昉等 編

神祠三

報賽

賽江文一首

賽西岳文一首

賽木瓜神文一首

賽舜廟文一首

賽越王神文一首

賽城隍神文五首

賽北源神文一首

賽曾山蘇山神文一首

賽白石神文一首

賽龍幡山神文一首

賽陽朔縣名山文一首 賽海陽神文一首

賽堯山廟文一首 賽古攬神文一首

賽蘭麻神文一首

賽江文

張說

年月日朔具官某敢昭告于大江之神王有百谷禮尊
四瀆善利維神朝海作賓發源岷山駕福米籩率此荆
土明靈是主已成嘉穀垂敷霖雨聽我虔祈福我農畝
既曠既穫既場既庾忻忻衆心願答神祐潔牲明酌寅

奠江浦

為楊右相賽

集作祭

西岳文

獨孤及

維年月日司空兼右相楊國忠禮

集作吏

部尚書同中書

門下平章事韋見素等謹以少牢之奠敬祭於

集作于

西

岳金天之神頃獻歲達於三月畜極不雨屯膏未光元

元其咨滌滌是懼國忠等是用虔奉睿謨

集作慮

聿遵祀

典謹遣鳴臯山人韋朝真敢徼福於大神之靈精意纔

申而休祐盻蠻宸衷遙達而瑞澤滂

集作滂

霈非神之幽

贊叶於國非

集無此字

神之景命符於人則疇能降祥薦祉

如此其速故簠簋犧牲

集作象

敬脩享禮雖冥應無方非

馨香所答而神感如在庶明靈惟歆尚饗

賽木瓜神文

杜牧

維會昌六年歲次丙寅某月日某官某敬告於

集作于木

瓜山之神惟神聰明格天能降雲雨郡有災旱必能救
之前後刺史祈無不應去歲七月苗將萎死禱神之際
甘雨隨至稿然凶歲化為豐年仰神之靈感神之德願

新祠宇以崇祭祀今易卑隘變為華敞正位南面廟貌
嚴整風雷雲雨師伯必備侍衛旗戟羅列森然惟神繫
雲在襟貯雨在缶視人如子渴即與之不容凶荒集作邪
不降疾疫千萬年間使池之人敬仰不怠伏惟尚饗

賽舜廟文

李商隱

年月日昭賽虞舜之祠伏以帝狩南方神留下土翠華

莫返積怨望於他年大麓不迷烜集作烜威靈於終古比

憂嘉種少冒憊陽抗簡陳詞潔樽引咎果蒙憑離掣電

跨巽揚風布沾渥於九臯起焦枯於一瞬敢布瑤席輒
事蘭羞帝其罷奏南琴停吹西瑄使東皇太一兼預於
靈遊俾山鬼江婁無藏於沴氣庶將善政以奉明輝

賽越王神文

前人

年月日賽於

集作

越王之神惟神耀焯殊姿抑揚竒表

秦魚既爛則聊帝南荒漢鹿有歸則稱臣北闕覽英雄

之載籍信王霸之朋遊言念遺祠猶存鹿

集作

邑尚興

甘雨以救公田敢陳沼沚之毛用報京坻之積神其永

司此土長庇吾人福祐柔良驅除疾癘今來往古常教
威著越城萬歲千秋勿使魂歸真定神乎不昧來鑒斯
言

賽永福縣城隍神文

前人

年月日賽於

集作于

永福縣城隍之神夫考室立家先在

戶竈聚人開邑首起城池固有明靈降而鑒治惟神克

揚嘉靈廣育黎民聊薦粢梁

集作聊為茨梁

少申穀醞神其節

宣四氣扶祐三時勿使畢星但稱於好雨無令田祖獨

擅於有神永歆蘋藻之誠長挾金湯之勢

為中丞滎陽公桂州賽城隍神文

前人

維大中元年歲次丁卯六月甲午朔十四日丁未都防

禦觀察處置等使桂州刺史兼御史中丞鄭某謹遣登

仕郎守功曹參軍陸秩以庶羞之奠祭於城隍之

神夫大邑聚人通都設屏將英集作雄走集必假高深

不惟倚杖風雲兼用翕張神鬼某初蒙朝獎來佩藩符

既禦寇於西原亦觀風於南國始惟畫鷁將下伏熊屬
楚雨蔽空湘雲塞望晦我中軍之鼓濕予下瀨之師遂
以誠祈果蒙神應速如激矢勢等却河及茲薦報之時
敢怠馨香之禮神其干霄作峻習坎為防合烽櫓以保
民道川途而流惡使言言堅壘集作壁倅地道以無疆活
活深溝如井德之不改勿違丘禱以作神羞尚饗

賽靈川縣城隍神文

前人

年月日賽於

集作于

靈川縣城隍之神高壘深溝用資固

護興雲深

集作
池

雨諒俟威靈惟聖能感至誠將成大稔

逐清冷之耕父不使揚光廻沮澤之蟠龍皆令灑潤式

陳微報願鑒惟馨

賽荔浦縣城隍神文

前人

賽於

集作
于

荔浦縣城隍之神嗟我疲民每虞糶食寒耕

熟耨始望於秋成鑠石流金幾傷於歲事遠資靈顧式

布層陰無煩管輅之占不待樂巴之嘏竊陳薄奠

集作
具

用答豐年神其據有高深主張生植同功田祖比議

集
作

義
雨師無假怒於潛龍勿縱威於虐鬼守茲縣邑富我

京坻

賽城隍神文

前人

年月日賽於

集作于

城隍之神惟神踞雉堞以為雄導溝

池而作潤果成飄注以救煥焚敢恡斯牲用報嘉種神
其永通靈感長茂立功道楚子之餘波霈晉國之膏雨
苟能不昧報亦隨之

賽北源神文

前人

年月日賽於

集作于

北源之神惟神雖臨南服實號北源

湘浦降神近驚於騷客漉池浸稻遠叶於詩人果能橐籥風頭索綯雨脚不資畎澮將致倉箱聊申信於澗毛庶通靈於水府神其揖揚蘭珮麾掉桂旗拍川后之肩攬波神之袂共來於此饗報留思

賽魯山蘇山神文

前人

年月日賽於

集作于

魯山蘇山之神惟神守在出雲職惟

通氣果從望歲載潤嘉生將申昭報之儀敢闕馨香之

獻神其遐瞻惟岳廣納遊塵勉揚少女之風勤詠曾孫
之稼無令渥澤盡歸濕集作水之湫泉勿使威靈下集
不是及歷山之仙室我辭有激神儻聽焉

賽白石神文

前人

年月日賽於

集作

白石之神惟神載烜

集作

明靈克標

懿號軒珠耀彩儻非瑤水之源荆漢流輝即是玉山之

路一昨俯憂旱歲俾禱遺祠果能愛我大田貺余膏澤

不俟于公之折

集作

獄無煩洛令之曝身敢命子男爰

脩蘋藻神其仰濟

集作流

天澤俯祐歲功無萌可轉之心

以負惟馨之禮

賽龍幡山神文

前人

年月日賽於

集作于

龍幡山之神惟神降治山川濟

集作流

思縣道龍幡鳳盖克懋于靈司蟻穴鵲巢式揚於利澤

至誠有達昭報無虧神威

集作其

叱咤飛廉鞭驅屏翳向

集作尚是

令吾土屢有豐年不無行潦之羞以請油雲之惠

賽陽朔縣名山文

前人

年月日賽於

集作于

陽朔縣名山之神惟神受命上玄奠

茲南服雲臺日觀遠讓於高標蓬島崑邱遐通於爽氣

峻若藏刀之嶺榮如倚劍之門是宜銓管陰司拘囚異

物為神仙之下府開龍虎之神庭屬歲之

集無之字

不寧旱

既太甚馳誠疊嶂託意通波果聞雷出地中電濟

集作流

巖下既茲霑足敢薦香

集作聲

芬願終如響之靈無怠

集作

失孔明之鑒尚饗

賽海陽神文

前人

年月日賽於

集作于

海陽之神頃傷多稼將困驕陽未逢

玉女之披衣空見土龍之矯首式祈嘉靈果降明輝神

其享彼蘭羞挹茲桂酒輔成於多黍多稌助施

集作調

於

好雨好風庶厲業官以酬玄澤

賽堯山廟文

前人

年月日賽於

集作于

堯山之廟伏以帝巡遐徼天作高山

既比敬於軒臺亦分功於農井是留遺廟以慰斯民昨

者時雨忽憇秋陽稍亢永言嘉靈實自玄恩大驅蟠澤

之龍盡發潛泉之介

集作蛟

倉箱興詠將慶於農夫灌浸

呈功不愆於豎

集作壯

子敢茲昭報冀降明靈

賽古欖神文

前人

年月日賽於

集作于

古欖之神惟神爰因碩果遂啟靈祠

瓜美邵平且傳舊志李標朱仲亦茂前經昨者瘴暑為

災油雲不起式存心禱慮作神羞神能感氣蛟泉傳祥

鸛垵使宋生抒賦始悅於雄風高氏讀書忽驚於暴雨

化太甚旱為大有年將見助於歡康敢忘懷於昭賽

賽蘭麻神文

前人

年月日賽於

集作于

蘭麻之神頃者杲日揚威融風扇暴

禾乃盡偃人何以堪神能倏忽應時逡巡布潤雲旗直

集不資秦地之決渠雨陣斜飛更甚成都之救火永懷

靈祐敢薦嘉肴神其與蕙同芳為蓬扶直苟

集作勿

虛嘉

號以累豐年

文苑英華卷九百九十七

欽定四庫全書

文苑英華卷九百九十八

宋 李昉等 編

祭古聖賢

謁舜廟文一首

謁禹廟文一首

謁夫子廟文一首

祭關龍逢文一首

祭巢許文一首

祭杜康新廟文一首

祭司馬相如文一首

祭王子喬文一首

祭殷仲堪羊叔子文一首祭伏波神文一首

祭田橫墓文一首

酹王景略墓文一首

謁舜廟文

呂溫

唐貞元十一年歲次乙亥十一月一日東平呂溫敢盟
沐齋潔敬謁於舜帝之神恭惟至仁無方大孝不匱德
馨升聞允釐百揆以聖授聖猶言歷試擇人之君良不
可易聖功無全相待而宣雷驅四凶雲起八元大治蜀本
作火 陶土集作世 璿璣轉天垂衣巖廟萬物浩然是稱至
理是曰帝者混成雍熙永錫大嘏乃眷南顧蒼梧之野

歸堯鴻名付禹天下茫茫推遷邈萬斯年三代之後誰
為聖賢政如頽波俗若壞山韶樂猶在薰風不還於戲
道有通變事有同異官帝家王隨時之義捐讓而禪固
非力致所以識者存而不議若輔相之宜財成之規煥
乎文章百代可知九官惟舊七政有彝弘道在人太平
無時如何後王曾莫是思其易甚簡舍而弗為歷山歸
然河水東注唐虞日遠楊墨誰拒瞻彼歷山集作清廟薄言
往訴庶幾精誠必我依據假我以靈集作俾躍清源集作俾飛層雲

行神之道以致吾君不然歸來鳥獸為羣敢竭微志託

於

集作于

明神

祭禹廟文

宋之問

維大唐景龍三年歲次甲子月日越州長史宋之問謹

以清酌之奠敢昭告於

集作于

夏后之靈昔者巨浸橫流

下民

集作人

交喪惟后得流星貫昴之夢受括地治

集作理

水之符底定九州弼成五服遂類上帝乃延群公自有

生靈樹之

集作以

司牧大災

三字集作
禦水災

莫踰於堯日勤人

集作
隱字

不越於夏君

集作
時

向微隨山奠川之功蒼生為魚

至今二千九百年矣肇為父子始生君臣興用天之道
廣分地之利者嗚呼皆后之功也之問移班會府出佐
計鄉遂得載踐遺塵遠探名穴朝玉帛於斯地聲存而
處亡畱精靈於此山至誠而響發悲夫井冢相連于今
幾年當其塋也上不通臭下不及泉棺綬葛兮增集作
墳
收壤烏耘荒兮象耕田先王為心享是明德后之從政
忌此姦慝酌鏡水而勵清拔竹箭以自直謁上帝之休

祐期下人之蘇息日之吉神之歆激楚舞奏越吟芳俎
溢醇壘深遺羞馘於魚鳥餘漉醉於山林忽雲搖兮鳳
舉空壽堂兮陰陰

謁夫子廟文

此篇已見三百七十三卷

李觀

祭關龍逢文

王勣集作績

歲月日謹以清酌之奠敬祭夏忠臣關生之靈曰聖貴
達節賢貴識時興亡有運用捨有期憑河暴虎前哲所
嗤身滅主喪如何忽思我因行役歷于荒祠壯山河之

舊壤歎墳隧之餘基松枯栢悴集作老草密苔滋託深悲
於薄醑魂有靈而饗之

登箕山祭巢許文

前人

懷二子之高烈背嵩岳而來遊挹千載之遐軌登箕峯

之

集作而

少留昔時慷慨神輕九州今來寂寞

集作絕

魂辭

一丘英蹤落而猶在精誠冥而遂幽集作休山荒廟僻地

古松秋吾

集作余

鄙懷之有素仰前哲之清猷同聲同

集作

必感異代相求如志

集作至

誠之見接庶蘋繁之可羞伏

惟尚饗

祭杜康新廟文

前人

歲月日敢以清酌之奠敬祭先生之靈曰兩儀判闢萬象森羅都邑未建鳥獸獨多茹毛飲血巢居穴窠天地不交人靈未和智哉先生爰作甘醴上配百宰下主五齊以宴以禱為樽為洗萬神以降三獻成禮法成必弊文盛則華奚仲斲輪焉知覆車桀紂亡國羲和喪家周公作誥廼防厥邪我聞古時王道正直賢人君子澡身

浴德降及中世昏主作式刑罰不中讒淫罔極吁嗟世
道一至於此達人大觀貴和其禮與制於物寧在於已
乘流則逝遇坎則止眷茲酒德可以全身杜明塞智蒙
垢受塵阮籍遂性劉伶保真此避其世于今幾人我瞻
前說功高受賞嗟嗟先生其義可想肇基麴蘖光開祀
饗大禮斯備羣賢就養敢依河曲建爾靈祠前臨極岸
却就長磯茅茨不翦米祿不治掃地而祭神其享之

祭司馬相如文

陳子良

維大唐貞觀元年歲次丁亥五月壬子朔十六日丁卯

相如縣令陳子良謹遣主簿譙悅齊

疑作齊

桂醑蘭酌之

奠敬祭故文園令司馬公之靈惟君夙敏雅調雍容含

章挺生慕蘭斯在題橋去蜀杖策入關終倦梁園之遊

還悅臨邛之客楊意為之延譽王孫以之開筵彈琴而

感文君誦賦而驚漢主

一作武帝

金門侍制深嗟武騎之輕

長門賜金方驗彫龍之重及乎茂陵謝病遊岱無歸空

留封禪之書遂感宸衷之悼是知聲名籍甚絕後光前

厥跡猶存餘芳無泯予忝宰茲邑似覩遺塵撫事懷賢
實勞寤寐夫遊九原者慕隨會而增悲望魏都者佇侯羸
而顧步仰惟往彥差擬其倫緬彼風猷載深長想至於
蘋蘩可薦黍稷非馨庶降明靈幸垂嘉祐神其如在希
能饗食之

為兗州司馬祭王子喬文

宋之問

維大唐神龍二年歲次甲子月日前中

中字集
作太中

大夫行

兗州都督府司馬王某謹以清酌之奠敢昭告於

集作
于

仙居之靈夫惟仙君神化寥廓昔為葉宰莅此郭郭謁
帝乘鳧賓天控鶴玉以為棺言降楚鄉土自成壠人知
東岡靡靡行邁邑過諸梁實感我先顧墓增傷載馳載
奔于陵于谷迺披蔓草式敬喬木孰不懷古誰非彼昆
靈胄日衰遐心莫存逮及仙伯復茲道門小子竇幸忝
惟枝孫華陽舊里緱氏集作山新宅二君爰勗百代不易
豈無沃土永守遺跡有鳥有鳥歸來何斯集作可期緬惟此
地登真之基願考狹室樹茲豐碑有志未就靈其祐之

尚饗

祭殷仲堪羊叔子文

張說

荊州府城中西北隅舊有殷仲堪祠說到官廣其堂立羊叔子廟像成而祭之

維開元六年歲次戊午正月日荊州大都督長史燕國

公范陽張君

集作
某

謹遣功曹參軍吳興沈從訓敢昭告

於晉殷羊二荊州之神我聞立人之道曰仁與義仁者孝之先義者忠之主也殷公惟孝子羊公惟忠臣行植

晉國德施荆人不孤其美是建為隣雙風雖舊二廟維
新凡百君子高山仰止馨香以時肅集作敬恭明祀尚饗

準制祭伏波神文

李 翱

嗚呼伏波之生好兵自喜幼有壯節騰聲出仕定冊歸

漢漢俞帝旨美無失畫功伐可紀破斬徵側實平交趾

來征

集作往

蠻溪未卒而死小人赤口曷本於理蓋茲南

還明珠諧起乃收侯印爵不及子遺

蜀本作唯

德不忘愛留

社里築廟以祭人敬

集作敬畏

其鬼久而若新千歲不毀讒

口啞啞易白成緇孔子義失勛華不慈曾氏殺人母投

於

集作于

機居竊厥嫂陳平不疑申生寘董晉有驪姬

蜀本

有是以二字

無極巧詆

集作舌

伍奢誅

集作族

夷孟子傷讒姜兮

作詩公失其所梁松實為何獨將軍自昔如斯故士有

歷萬代而不滅者常被訛於當時苟窺心而不忤雖棄

置兮

集無兮

其奚悲赫赫聖帝嘉賢命祠酒尊既列

一本作設

神乎降斯

集作思

尚饗

祭全義縣伏波廟文

李商隱

年月日觀察處置使兼御史中丞鄭某謹遣全義縣令
常必復以酒宰之奠昭賽於漢伏波將軍新息侯馬公
越城舊疆漢將遺廟一派湘水萬重楚山比潁川袁氏
之臺悲同異日方汝水周公之渡感極當時嗚呼昔也
投隙建功因時立志隗將軍坐談西北棄去無歸梁伯

松

集作孫梁
松字伯孫

自降王姬雖米不起以若畫之眉宇開聚

米之山川扶風里中詎守錢而為虜德陽

本傳作
宣德

殿下

寧相馬以推工悵望關西趨馳隴首事嫂冠帶誠姪書

成龍伯高之故人其言有所公孫述之刺客相待何輕
鳶跼啟行蠻溪請往銅留鑄柱革誓裹尸男兒已立邊
功壯士猶羞病死灘湘之澣祠宇依然豈獨文宣之陵
不生刺草更若武侯之壠仍有深松向我来思停車展

敬一樽有典

集作
奠

五馬忘歸及申望歲之祈又辱有秋

之澤雲興柱礎電繞牆藩何煩玉女之投壺方聞天笑
不待樵人之取箭已見風迴敢忘黍稷之馨用報京坻
之賜屬以時非行縣不獲躬詣靈壇詞託煙波意傳天

壤既謝三時之澤兼論千載之交勿負至誠以孤玄契

祭田橫墓文

韓愈

貞元十一年九月愈如東京道出田橫墓下感橫高義
能得士因取酒以祭為文而弔之其詞曰事有曠百世
而相感者予不自知其何心非今世之所稀孰為使予獻
歎而不可禁予既博觀乎天下曷有庶幾乎夫子之所
為死者不復生嗟予去此其從誰當秦氏之敗亂得一
士而可王何五百人之擾擾而不能脫夫子於劔鏗抑

所寶之非賢亦天命之有常昔闕里之多士孔聖亦云其遑遑苟予行之不迷雖顛沛其何傷自古死者非一夫子至今有耿光踧陳辭以薦酒魂髣髴兮來享

華山酌王景畧墓文

呂 溫

唐貞元十二年十一月六日河東男子呂溫敬酌于符秦丞相王公景畧之墓昔馬氏暴興世不及三枝根河洛遺析東南鋸牙霆聲爭逐婪婪天下為血晉猶清談帝命景畧被茲文武秉心無親用則為主惟秦悼世求

我草莽振衣投畚乃作雷雨雨莫不潤雷莫不震吸涼
吞燕嚼魏含晉海蕩風掃天臨嶽鎮功存生人是曰大
順武功成矣文理定矣晏開太平垂及三紀子也無壽
秦其不祀日沉天昏水竭龍死時更運改道歷消長屹
彼壯骨沉為朽壤烈氣猶在英風可想雲開華山若見
精爽樂毅佐燕功負其名漢猶求後寵號華成昌如夫
子翊運而行廓定八州澤流羣生歷代王者追我聖明
盛德未聞荒墳欲平我行於東稅駕醜酒才何敢望數

亦未偶終期自致窺子戶牖靈魂若存死為冥友

文苑英華卷九百九十八

欽定四庫全書

文苑英華卷九百九十九

宋 李昉等 編

哀弔上

大同哀辭一首

悲周子桑文一首

哀吾丘子文一首

楊氏子承之哀辭一首

哭張俊餘文一首

歐陽詹哀辭一首

獨孤申叔哀辭一首

弔塞上翁文一首

弔紀信文一首

弔陳司馬書一首

弔國殤文二首

哀二良文一首

大同哀辭

并序

梁簡文帝

大同字仁洽予之第十九子也生於仲秋殞於冬末悲夫潛慟結于心愁眉慘于外夕坐於是申旦當食以之不甘客有謂予曰死生常也夭壽命也陳蕃所憇之家久傳紀錄藝文類聚作久記五錄之歲華歆所聞之語已定北陵之期上聖所以忘情賢者所以達節將何戚焉予對之曰觀其明眸豐下玉色和聲豈不登髻歲而擬觸藩及

紈袴而知

類聚
作仰

折李靈心摧於毫末慧識挫於趾步庶

方悟於來途遂窮魂於短日豈不傷哉乃為辭曰

含精鬱抑歎嗟何極云誰之悲悲予弱息實天道之偏

頗觀賦命之殊舛彼神祭之靈長獲萬春之悠緬有舜

華之照灼寄一朝之浮命

類聚
作淺

始夢熊而兆吉遂設弧

而表慶驗天蘭之所受知地井之可映愛菅草之有微

欣赤芾之在詠信歎慰之未幾悼天零之云及乃變樂

而為悲遂改笑而成泣昔珠襦之交舒又金香之相襲

籍綺茵於弱飢

疑作肌

隱孩笑於羅帷今獨親於玄壤亦

何痛其如之憶餘態而心楚想媚質而迴腸藥尚殘而
染地衣猶襞而在牀卷金屏之四葉開銀函之九羊忽
徘徊而想象曾何時而不傷於是風景暮鍾氣嚴晚候
葉款款而走堦水涓涓而鳴漏月半鏡而開河雲羅柱
疑而下岫燈發焰而吐花火含光而成就金鹿之恨涕
沾衣金瓠之哀還掩扉猶茲紫山明玉碎譬彼西都芳
草腓終無逐浪鳧舡反何時復聞龍種歸

悲周子桑文

集作悲汝南子桑文

皇甫湜

汝南周子桑理書

集作治書

通春秋非仁義不動止年二十

三貞元十九年如京師將舉五經秋及陝見無舉詔冬

還

二字集作東還冬

及宋而病閏月丁亥將

集作而

死時天大寒

雨雪火不星前纊不銖身寒之聲與將死之聲黎然其

書在乎側

五字集作其具書存乎側其所行存乎側

友人安定皇甫湜

集作

常字

至見之而哀之為文悲之曰

蜀本無曰字

渾沌無端誰開闢之善惡未形誰分白之善其福耶

集作

之惡其禍耶

集作

謂善之福夷死何飢

集作

謂惡之禍

跖死何肥何闔閭之死金玉其墓何黔婁之死手足不

覆孰主張其事而顛倒其數天視一作高地視一作遼

鬼神之神幽敢問何數

集作

巫咸招曰來吾語汝天有

至

集作

理地有坦途精者常不足麗者常有餘有餘常

豐不足常枯子乃惑之一何愚人事著矣請指物以明

覈之問子

集作

復問聖者何千歲一

集有

而愚者其麻鳳凰

不下而鷄滿家何草不芝盡野而莎何蟲不龍盡水而

鰈何

集作非

精者理少而麤者理多耶蘭姜何先施死何

難玉何為而脆石何為

集作故

而頑衣冠何蹇戎狄何繁

集作蕃

何麟而死

集作恠

何鶴而軒彼人事皆然推於物亦

然是為自然巫咸畢歌歌已而去之曰父耶母耶天乎

人乎

集作天兮人兮

已焉哉謂之柰何

集作何哉

哀吾丘子文

李觀

古之道窮者接輿則歌吾丘子則哭哭者年志俱謝怨

不容於歌歌者聲跡可晦不欲取

仁字集作趨

當世之譏

集作

機也然吾丘子古之窮人也哀莫至焉仲尼方適於營

丘遇於途衣無裙冠無縷不言於人人亦不自言吐梗

如酸號于莽蒼集作草莽之間涕交於頤隨而成淵集作泉聲

薄於巍巍一斷一連集作聯鳥為之相鳴雲為之不能集作無

能為飛負者息游者感仲尼亦停集作倚蓋為之二字集作而

心惻顧門人之辨者往訊而唁之吾丘子揮集作撒涕而

言之曰太古之先有不宰者聚五行之秀氣以為人鏤

五行集作常之大端以為心人者所謂集作所以靈於萬物者

也其

集作故

生必有依心者所謂

集作以

履於百行者也其

集作故

立必有從生必有依者親立必有從者君君親之

間必有交游非其親孝無所宣非其君忠無所稱非有

交游不能

集作無所

成其身三者人皆遂之則魯曾參衛史

魚齊管仲夷吾皆其遂者也子獨負之夫身

二字集作天

年

復衰是故哭而哀然哀

集作哭

之中有三殺焉始者至於

四方希有一朝之榮以為父母昆弟之懽遊罷乃還

集作

旋而父母之墳已乾今思而哭之與不養之子同中事

二字集
作仕

諸侯之朝君無德而兵侵今思而哭之與亡國

之臣同復忠孝之間不聞天下

集作天
下不聞之

集作
其

臣子予

耻而

集後
有字

交今思而哭之與言無所信同夫忠本孝而

生信載義而行三者既虧於生非生行何

集作
可

行也汨

然自沉與波而東流不窮至今淒

集作
於悲

風言於黔婁柳

下惠必為之感激言於伯陽齧缺必謂之不通

集作亦
未必為

通觀所以作哀吾丘子之文務勗人之中庸

楊氏子承之哀辭

并序

柳宗元

楊氏子承之既冠有成人之道其明年四月不幸而夭

其外姻解人

永本有柳字

宗元為之慟且出涕噫是子也氣

淳以愿志專以強

集作勤

確焉

集作然

而直方吾未知其止

也作辭賦書論其言甚躓予方愛之謂可以為器者故

不知慟且出涕况其親戚者乎凡天之生物也不類精

麓紛靡

永本作靡亂

賢愚混同或遠而合或親而踈

集作殊

然

則雖人之親戚亦將有不克知其美者若楊氏子者其

親戚皆賢咸得知之者也使之

集無之字

知之徒以增其愁

悲怨號之聲無益

集作
為

也用是為之辭以致其哀焉

葆醇熙兮承貞則懿文章兮好循

集作
脩

直誠耿介兮又

綽寬學之勤兮行彌專質珪璋兮文虎豹超凌厲兮馳

聖道力未具兮志求通道之遠兮足先窮有母噉噉兮

有弟哀號世父孔悲兮湘水滔滔去昭曠兮沉幽漠魂

冥冥兮竟誰託死者靜兮生者愁子之淑兮徒增憂志

甚良兮命甚蹙子之生兮又何欲悲吾耳

永本作
子身

兮動

吾神誰使子兮淑且仁嗚呼已兮

集作
乎

不可追終怨苦

兮徒何為

哭張俊餘辭

并序

前人

俊餘常山張氏孝其家忠其友為經術甚邃而文少予
七年頗弟畜之與之居終日冲然忘其有人與之言鏗
爾而厲辨而歸乎中凡人有道而不顯於世則曰非其
世也道而得乎世然而集作猶不顯則曰命命之微不可

知知而索乎外者曰性與貌俊餘之性可謂良矣其貌

可謂溫

集作肅

矣博實宏裕宜為大官考老求其所以天

賤無可得焉既得進士明年疽發髀卒俊餘之死人咸
痛之曰天之祐善人而殺是子何也激者曰天之殺恒
在善人而祐不肖莊周之說以為人之君子天之小人
張君豈天所謂小人者耶是二者又非論之適也吾謂
善與惡天與壽貴與賤異道而出者也無取喜怒於其
中道之出者多其合焉者固少是以君子之難貴且壽
也俊餘母老而喪良子東西行者助之哭焉况其知者
耶然俊餘不與謫冒者同貴不與悖亂者同壽歸潔乎

身聞道而死雖勿哭焉可也嗚呼向使其聞道而且貴
且壽則其顯庸也遠矣又烏能勿痛乎遂哭之以辭云
嗟嗟張君善不必壽惟道之聞一日為老人皆反是百
稔猶幼子之優游是亦黃耆嗟嗟張君寵不必貴尊嚴
為仁早服高位淫集作肆愆銀艾淪棄子之崇高無
媿三事吾見皤皤而童赫赫而辱進襦袴於几杖負泥
塗於冕服已雖有餘人視不足子之跡不混乎其間者
幸也宜賀而弔宜歌而哭吾其過乎與其寵而加貴善

而加壽道施於人慶及其母從容邦家樂我朋友豈不
光裕顯大歟而不克也則弔而哭者其無過乎嗚呼

歐陽詹

集本文
粹作生

哀詞

并序

韓愈

歐陽詹世居閩越自詹已上皆為閩越官至州佐縣令

者累累有焉閩越地肥衍有山泉禽魚之樂雖有長材

秀民通文書吏事與上國齒者未嘗肯出仕今上初故

宰相常袞為福建諸州觀察使治其地袞以文辭進縣

鄉下

集本文
粹作小

民有能誦書作文詞者袞故宰相有名於

時又作大官臨泣其民

集作
袞字

親與之為客主人

原本無
人字

之禮觀遊宴享必召與

集作
預

之時未幾皆仕

集作
化

翕然

詹于時獨秀出袞加愛敬諸生皆推服閩越之人舉進士繇詹始建中貞元間予就食江南未接人事往往聞

詹名閭巷間詹之稱於江南也久

集有
矣字

貞元三年予

集有

年十九
三字

始至京師舉進士則聞詹名尤甚八年春遂與

詹文詞同考試登第始相識自後詹歸閩中予或在京師他處不見詹久者唯詹歸閩中時為然其他時與詹

離率不歷歲移時則必合合必兩忘其所趨久然後去
故予與詹相知為深詹事父母盡孝道仁於妻子於朋
友義以誠氣醇以方容貌嶷嶷然其燕私善謔以和其
文章切深喜往復善自道讀其書知其於慈孝最隆也

十五年冬予以徐州從事朝正於

集粹
作于

京師詹為國子

監四門助教將率其徒伏闕下舉予為博士會監

集注
作詹

有獄不果上觀其心有益於予將忘其身之賤而為之
也嗚呼詹今其死矣詹閩越人也父母老疾捨朝夕之

養以來京師其心將以有得於是而歸焉

集粹無此字

為父

母榮也雖其父母之心亦皆然詹在側雖無離憂其志

不樂也詹在京師雖有離憂其志樂也若詹者所謂以

志

文粹作忠

養志者歟詹雖未得位其名聲流於人人其德

行信於朋友

文粹作友朋

雖詹與其父母皆可無憾也詹之

事業文章李翱既為之誌

集粹作傳又作說

予

文粹無予字

故作哀

辭以舒予哀以傳於

集粹作于

後以遺其父母以

集粹作而

解其

悲哀

文粹作哀悲

以卒詹

集粹作其

志云

求仕與友兮遠離

集粹作遠

其鄉父母之命兮子奉以行友

則既獲兮祿實不豐以志為養兮何有牛羊事實既脩

兮名譽又光父母欣欣兮常若在旁命雖云短兮其存

者長終要必死兮願不永傷友朋視疾兮藥物甚良飯

食孔

集作既

時兮所欲無妨受命不齊

文粹作高

兮人道之常

在側與遠兮非有不同山川阻深兮魂魄流行祀祭則

集註作之

及兮勿謂不通哭泣無救

集作益

兮抑哀自強推生

知死兮以慰孝誠嗚呼哀哉

集粹有兮字

是亦難忘

獨孤申叔哀辭

前人

衆萬之生誰非天耶明昭昏蒙誰使然耶行何為而怨

集作

怒耶居何故而憐耶胡喜厚其所薄而恒不足於賢

耶將下民之所好惡與彼蒼懸兮抑蒼茫無端而暫寓
於其間耶死者無知吾為子慟而已矣如有知也子其
自知之矣濯濯其英盥盥其光如聞其聲如見其容

集作

如處嗚呼遠矣何日而忘
其旁

弔塞上翁文

前人

居延

蜀本作近

海南四餘百里有南驛戍

集作有古城馬

土人云是

塞上翁城今為戍其基扁趾跡蓋數千年也丙戌之歲

兮我征匈奴恭聞此叟兮託國此都弟尚於

集作尚于子

叟

日月遐邁予

集作及

今來思寶獲心契欣聞於叟何德其

愚

野本作何德之愚

僻居幽漢浩與世殊忘情逸馬胡寧而知

福謝於隣人何達而不淑丁男既存君子知復人以為

極也伊懷茲土既板且築扁禁天崇墉隍雲矗今則蕪

集作荒

穢世亦不毓其何故

集作故何

哉賢叟之德登叟之堂

天道何其

集無其字

遠而茲理茫茫人代日

集作世自

故兮丘郭

日荒菟兔何家不歸其鄉

蜀本作菟兔何為不歸故鄉
時本作菟兔何家獨不歸其

故鄉叟乎叟乎我心之傷

弔紀信文

盧藏用

維年月日某官名恭弔漢忠臣將軍紀信公曰皇綱絕

兮帝維顏王風悲兮霸道衰天運促兮周以霸秦德棄

兮漢葉

疑作業

開何項王負負作驅除於雲雷豈淵海之

飛盪資拔山之偉才於是左契歸楚羣雄奉職皇矣漢

祖獨負其直矧滎陽之圍城兮既孤而逼偉將軍之天
誘兮矯奪其識彼見危而授命兮亦各有時考振古以
為觀兮罔恢帝基感將軍之發憤兮壯大義之在茲仰
前脩以砥節兮顧車迴而馬遲嗚呼身既焚兮業既昌
楚歌絕兮漢道光君不旌兮史不揚功不錄兮歿不傷
奄孤墳以載塋集作抑千祀而為荒皇周敷訓兮澤及
枯骨伊予寡德兮忝宰茲地奉宣嘉猷兮懼尸厥位將
軍兮允忠且義託神交於萬古兮實獲心志乃斲石於

他山兮式幽墳以昭賁詞曰攝提貞歲兮奉揚仁風跋
涉草莽兮詞弔紀公善彼勇兮殺身為忠九原不作兮
予將焉同金石刻名兮千萬歲魂魄光烈兮為鬼雄

弔陳司馬書

張說

正月癸亥孤子范陽張君

集作說

頓首頓首陳君之靈項

伏苫廬

集作蓋

遠辱慰疏執對號慟次於展洩來使未還

傳君遇禍盡哀寢外傷心痛骨明府兄毓德南邦飛聲
中夏急人之急憂人之憂勇於履危果於從政入使天

闕有專對之美按俗交州見澄清之節故投衣衡管割

錦閩鄉越嶂舊風人俗

集作
袒

輕剽拔之以淳俗革之以

華章矯枉過中斯害也已齒由剛折膏為明銷嗚呼陳

君婞直而殞皇天輔德問之何故疇昔炎海契濶周旋

義則朋友恩結兄弟方期歲暮韡韡

集作
晔

相榮玄髮未

華何圖零落山濤猶在嵇紹不孤逝者有知當昭是意

今返防關力軌

集作
報是

前書幽明雖異交友無改悲言下

筆涕泗從之并往千歲俾陳奠酌歔歔萬里哀哉柰何

說頻首再拜

弔國殤文

前人

北伐兮東方邈遼陽兮孤竹偏師兮覆衆在崇山兮峽
谷露芄芄兮蔓草風蓊蓊兮拱木見馬血兮夜然聞殤
魂兮雨哭惟王按金鼓而氣憤撫珠鈴而淚滋橫萬里
兮抽恨弔羣山而寫悲懟凶將兮我辱悼勇夫之被

集本

文粹
作秋

纍彼殷

集粹
作前

監兮未遠何後來兮

集作
者

不追對死

地兮出陣臨儒

集粹
作傷

門兮用師軍奪帥兮虹蝕壘車脫

輻兮火焚旗有藥厲兮愎矣無范宣兮媿之命窮追集作

通文粹
作廷

兮短兵錯膚迎

集粹
作鈔

刀兮血染鏢旋殘潰兮棄

組練山猶號兮谷餘戰殪原野兮奈何違君親兮不見

於戲何天命之奄忽俾仁義之理文粹
作治兵為異域之俘

骨酸六校之飛將間文粹
作鎮五營之勁卒吾見出兮不歸

竟集作
噫名存兮身沒

同前

陳子昂

丁酉歲三月庚辰前將軍尚書王孝傑敗王師於榆關

峽口吾哀之作此文

三字集作
故有此作

天來悔禍兮熾此山戎虐老昏幼兮人罹其窮帝用震

怒兮言剪其凶出金虎兮曜天鋒掃宇宙之甲馳燕蘇

之衝何士馬之沸涓若雲海之洶洶荆河

集作
吳

少年韓

魏勁卒戈矛如林白羽若月但

集作
且

欲蹈烏丸之壘刈

赤山之旗聯青丘之繳

集作
檄非

封黃龍之屍寇兵猖獗姦

險是憑蛇伏泥滓蟻鬪丘陵哀哉

集作
我

將之乞勇兮無

筭畧以是膺陷天井之死地屬雲騎以相勝短兵既接

長戟亦合星流
颼馳樹離山谷
智無所施其巧
勇無集作

不能制其怯頓
金鼓之雄威淪
輿尸之敗葉集作
嗚呼業

哀哉矢石既盡
白日頽生集作
將已死士卒哀
徒手奮

乎誰救哉含憤
抗怒志未廻殺
氣凝兮蒼雲暮
虎豹慄

兮殤魂懼殤魂
懼兮可奈何恨
非其死兮棄山
阿流血集作

流骨漬集作
殪荒楚思歸道
遠不得語降不
戮兮背集作
此

不誅歿不賞兮
功不圖豈士力集作
之未殉誠師律
之見

孤重曰壯士雖
死精魂用凶醜
爾讎不可縱我
聞強死

能厲災古有結草抗杜回苟前失之未遠儻冥讎之在
哉嗚呼魂兮念歸來

哀二良文

白居易

承相隴西公出鎮於

文粹
作于

汴州軍司馬御史大夫陸長

源實左右之三

集本文
粹作二

年而軍用寧司空南陽公作藩

於

集作
于

徐州軍副使祠部員外郎鄭通誠實先後之十

集作
三

年而民用康暨十五年春隴西薨浹辰而師亂大

夫以直道及禍十六年夏南陽薨翌日而難作員外以

危行受

集粹作遇

害惜乎大夫人之望也員外國之良也咸

克潔於

集粹作于下同

身儉於家勤於邦又申之以言行文學

智謀政事故其歷要官參劇務如刀劒發研割而無滯

如鍾鼓

集粹作磬

在懸動而有聲識者以為異時登天子股

肱耳目之任必能經德秉哲紹復隴西南陽之事業以

藩輔王家嗚呼善人宜將鍾奕葉之慶而不免及身之

禍天乎報施之朕何其昧歟昔詩人有黃鳥之章以哀

三良不得其死今斯文亦以哀二良命其篇云

伊大化之無形兮浩浩而茫茫中有禍牙

集作身

兮若機

之張梁之亂兮陸受其毒徐之難兮鄭罹其殃惟善人

兮邦之紀綱邦之瘁兮而

浙本有正字

人先亡謂天之惡下

民兮胡為

文粹有乎字

生此忠良謂天之愛下民兮胡為

文粹

有乎字

生此豺狼我欲階冥冥問蒼蒼蒼蒼之不可問兮

俾我心之盡傷悲夫而今而後吾知夫天難忱而命靡

常

文粹有即字

文苑英華卷九百九十九

欽定四庫全書

文苑英華卷一千

宋 李昉等 編

哀弔下

弔古戰場文一首

弔夷齊文一首

弔漢武文一首

弔長弘文一首

弔屈原文一首

弔樂生文一首

弔道殣文一首

弔韓弁沒胡中文一首

弔古戰場文

李 華

浩浩兮

一作乎

平沙無垠，覓不見人。河水縈帶，羣山糾紛。

黯兮懔兮

一作慘

悴風悲日曛，蓬斷草枯。凜若霜晨，鳥飛不

下獸，挺亡羣。亭長告予曰：此古戰場也。嘗

一作常

覆三軍。

往往鬼哭天陰，則聞傷心。哉秦歟漢歟，將近代歟。吾悼

浙本

夫齊魏徭戍，荆韓召募。萬里奔走，連年暴露。沙草

晨收

浙本作收

冰河夜渡，地濶天長。不知歸路，寄身鋒刃。臆

膈

一作臆

誰愬秦漢而還，多事四夷。中州耗斁，無代

一作世

無之。古稱戎夏不抗，王師文教。失宣武臣，用竒竒兵。有

異於仁義王道迂濶而莫為嗚呼噫嘻吾想夫北風振

漠敵兵伺便主將驕敵畿

一作期

門受戰野豎旌

一作旌

旗

川迴組練法重心駭威尊命賤利鏃穿骨驚沙入面主

客相搏山川震眩聲折

一作折

江河勢崩雷電至若窮陰

凝閉凜冽海隅積雪沒脛堅冰在鬚鷺鳥休

集作依

巢馬

亦

一作征馬

跼蹙繒纒無溫墜指裂膚當此苦

集作依

寒天假

強徒憑陵殺氣以相剪屠徑截輜重橫攻士卒都尉新

降將軍復沒屍踣若水

一作填屍巨港

之岸血滿長城之窟無

貴無賤同為枯骨可勝言乎

一作
哉

鼓衰兮力竭

一作
盡

矢

盡

一作
竭

兮絃絕白刃交兮寶刀折兩軍蹙兮生死決降

矣哉終身夷狄鬪

一作
戰

矣哉曝骨沙磧鳥無聲兮山寂

寂夜正長兮風淅淅魂魄怨

一作
結

兮天沉沉鬼神聚兮

雲冪冪日光寒兮草短月色苦兮霜白傷心慘目有如

是耶吾聞之牧用趙卒大破林胡開地千里遁逃匈奴

漢傾天下財殫力痛任人而已其在多乎周逐獫狁

一作
獫

狁北至太原既城朔方全師而還飲至策勲和樂且閑

穆穆棣棣君臣之間秦起長城竟海為闕荼毒生民

一作

人萬里朱殷漢擊匈奴雖得陰山枕骸遍野功不補患

蒼蒼蒸人

一作民

誰無父母提攜捧負畏其不壽誰無兄

弟如足如手誰無夫婦如賓如友生也何恩殺之何

一作

如咎其存其歿家莫聞知人或言將信將疑悄悄

一作

娟娟

心目寤

一作寢

寐見之布奠傾觴哭望天涯天為之愁

一作地為愁

草木悽悲弔祭不至魂靈

一作精魂

無依必有凶年

人其流離嗚呼噫嘻時耶命耶從古如斯為之奈何守

在四夷

一作皆唐文粹

弔夷齊文

柳識

洪河之東兮首陽穹崇側聞孤竹二子昔也餒在其中
偕隱胡為得仁而死青苔古木蒼雲秋水魂兮來何依
兮去何止掇澗谿之毛薦精誠而已初先生鴻逸中洲
鸞伏西山顧薇蕨之離離歌唐虞之不還謂易暴兮文
又一作武謂墨緣兮胡顏時一吐兮忘饑若有誦兮于巖

之間

一作關

豈不以冠弊在於上履新居

一作處

於下且曰

一人之正位孰知三聖之純嘏讓周之意不其然乎是

以知先生所恤者偏矣夫

此一無字

當昔夷羊在牧商

浙粹作殷

綱解結乾道息坤維絕鯨吞噬兮鬼孽王奮厥武天

意若曰覆昏暴資濬哲於是二老歸而八百會一戎衣

而九有截况乎旗錫黃鳥珪命赤烏俾荷巨

一作鉅

橋之

施俾伸羨里之辜故能山立雨集電掃風驅及下車也

五月不礪於武庫九駿伏轅於文途雖二士不食而兆

人其蘇既其溥天率土咸為周人

一作溥天周土率土周人

吁嗟先

生逃將何臻萬姓歸飾兮獨鬱乎方寸六合莽蕩兮終

跼於

一作乎

一身雖忤時而過周固

一作終

臣心而惻殷

所以不食其食求仁得仁然非一端事各其志若皆旁

通以阜厥躬以濟其利則焉有貞節之規各親之事靈

乎雖非與道而保生可

一作乃

最為臣之不二

一作皆唐文粹

弔漢武帝文并序

李

觀集無

閱太史氏書見漢武之御極雖非蹈道之主亦英雄之君也然觀其內傳有學神仙與築三山焉飲露食霞希升汗漫激流延石用擬林泉嗚呼履其位而不知所以守好其事而不知所以從夫一物各異道萬彙不同致帝王之與神仙林泉之與朝市猶鱗羣毛族川陸分之日居月諸晝夜常之麒麟不可又處泉蛟龍不可更居藪玉兔莫闕於旦金烏莫瞻於宵附其翼者兩其足與其角者一其齒不兼之兼又理昭然帝者真本於觀人

仙者冥先於遠世以林泉為意者可居於藪澤以天下為念者可謹於朝廷是以唐虞堯舜無野心子晉許由辭寶祚誠以帝王於神仙有隔林泉將朝市難并也今據唐堯虞舜之地而求子晉許由之志不亦迂而可痛哉况君子所以懽心屈體為僕御元元所以剗膏割血為飽暖又非圖林泉而學仙也傷心久之戊辰歲秋八月周覽秦原次茂陵之下既覩永歸之地彌懷所行之事且夫承天統物豈無足稱之德歟蓋觀日月高明有

時虧吳珠玉貞潔不免瑕疵徘徊路隅興言而弔曰

赫赫兮炎靈降神造漢秦楚四葉重茂翹英荐新首出
羣龍卓為世祖秋風揚文夏日昭武柔不化之人闕

一作

關未名之士雖殊仁聖之后是異凡庸之主伊何才有

不周事非所事求非所求惟此帝謨相夫仙道魚處重
淵獸居茂草辨乎朝市別以林泉日由旦陸月麗宵天
跡既兩分理難齊尅若死將生猶南與北貪臣王公鞅
掌可以勤萬幾欲升汗漫逍遙者可以為匹夫愛深宮

秘殿者可以垂旒纒好青山淥水者可以棲江湖飲露
乘景激流貫都苟能同致實曰殊途堯舜曰聖巢由匪
愚確乎守一亦以難俱况夫小人唯唯罔圖山水君子
乾乾孰為神仙嗚呼哀哉前鑿孔彰高臺深池夫差以
伐尋山越海言覲致其亡有一於此未或無殃胡為乃辰
于窮厥方舟全虎臂車出羊腸已臨塗炭幾絕包桑反
覆前聞痛心疾首藥石無人理瑜有垢暑來寒往時移
代久吉壘將頽惡聲不朽日臨宇宙有時而虧目覩毫

釐或不見皆將為而不知復知而故為嗚呼噫嘻

弔長弘文

柳宗元

有周之羸兮邦國異圖臣乘君則兮王易為侯威強逆

制兮鬱命輔

集作甫

幽疹蟲

集作蠱

膠密兮肝膽為仇

集作尤

姦權蒙貨兮忠勇以劉伊時云倅

集作幸

兮大夫之羞嗚

呼危哉河渭潰溢兮橫軀以抑嵩高坻陟兮舉手排直

壓溺之不慮兮堅剛以為式知死不可撓兮明章人極

夫何大夫之炳烈兮王不寤夫讒賊卒施快於慄狡兮

但就制乎強國松栢之劉兮翦葺欣植盜驪折足兮罷
鴛抗臆鷺鳥之高翔兮孽狐喘而不食竊畏忌以羣朋
兮夫孰病百而伸一挺寡以校衆兮古聖人之所難矧
援羸以威傲兮茲固蹈殆而違安殺身之匪予戚兮閔
宗周之不完豈成城以夸功兮哀清廟之將殘嫉彪子
之肆誕兮彌皇覽以為謾姑舍道以從世兮焉用夫考
古而登賢指白日而致憤集豐憤字兮卒頽幽而不列版上
帝而飛精兮黜寥廓而殄絕竭馮雲以壯愬兮終冥冥

以鬱結欲登山以號辭兮愈洋洋以超忽心汨涸其不

化兮形凝冰而自慄圖

一作思

始而慮末兮非大夫之操

陷瑕委厄兮固衰世之道知不可而愈進兮誓不偷以

自好陳誠以定命兮侔貞臣

以集無此字

與為友比干之以

仁類

集作義

兮緬遼絕以不羣伯夷殉潔以莫怨兮孰克

軌其遺塵苟誠端之內虧兮雖者

永州本作者

老其誰珍古

固有一死兮賢者樂得其所大夫死忠兮君子所與鳴

呼哀哉敬弔忠甫

弔屈原文

已見三百五十六卷

弔樂生

柳州本
作穀 文并序

前人

許縱自燕來曰燕之南有墓焉其志曰樂生之墓余聞而哀之其返也與之文使弔焉

大廈之騫兮風雨萃之車亡其軸兮乘者棄之嗚呼夫子兮不幸類之尚何為哉昭不可留兮道不可常畏死疾走兮枉顧彷徨燕復為齊兮東海洋洋嗟夫子之專直兮不慮後而為防胡去規而就矩兮卒陷滯以流亡

惜功美之不就兮，俾愚昧之周章。豈夫子之不能兮，無亦惡是之惶惶。仁夫對趙之悃欵兮，誠不忍其故邦。君子之容與兮，彌億載而愈光。諒遭時之不然兮，匪謀慮之不長。怨集作陳辭以隕涕兮，仰視天之茫茫。苟偷世之謂何兮，言一作余心之所集作臧不。

弔道殣文

并序

獨孤及

辛丑歲大旱三吳饑甚，人相食，明年大疫死者什七八。城郭邑居為之空虛，而存者無食，死者無柩。集作殯悲。

哀之送大抵雖其父母妻子亦啖其肉而棄其體於田

野由是道路積骨相枝撐枕藉者彌二十里春秋已來

不書或謂縣官處師旅饑饉之弊宜禳災於未然既

集作

時不時賑恤又苦

一本有以杼軸故及是及以為不然當

陽九之厄陰陽俱

浙本無此字

錯而災沴降天也非人也於

是延陵包佶作道殣文蓋小雅雲漢之流也及亦裴回

集作斐然獻弔且告之運命云

八風不知

集作和是

六氣不均上天疾威大厲荐臻俾災流

行殄殲斯人此

疑作比

自淮沂達於

集作于

海隅札瘥天昏

亦既毒痛匪蹈密網匪懼萑蒲饑饉降喪淪胥以鋪人

生寄世孰非遠客嗟爾賦命天年逼迫生不餬其口死

不掩其骼曠野茫茫僵屍纍纍髑髏崢嶸如堆如坻里

閭無煙雞犬去之死非爾所鬼其餒而水滔

集作陷

歷陽

貴賤同傾秦坑趙軍

集作卒

肉填長平實天不傭謂禍莫

京爾復胡為無辜命并將天夭闕之則如勿生司殺之

柄孰云孔明伊昔太古上玄同之

集作世

天無鞠凶物無

癘疵

集作
疵癘

父不喪子兄不哭弟亦有華胥民壽千年陰

陽常和玉燭常燃彼何人斯而生斯時聖人既興大道

亦隨外戶反閉賢愚相欺我先王乃作五兵固不得已

而用之堯舜既沒揖讓不傳黃鉞白旌謂之應天德乃

下衰干戈相連陽九袂興災纏凶年鳥皆夜啼集作
鳴人

失其全食盡力罷守死道邊不自爾集作
我後不自我集
作

爾先萬世一時運有固然帝在法宮清問下民青旗鑿

輅時令惟新協風布和天下皆春爾往莫及委骸窮塵

命不可問嗚呼蒼旻

弔韓弁沒蕃中文

集題作弔監察御史韓弁沒蕃文

李觀

維唐貞元元年匈奴上款乞盟天子以其言誠乃命上

將往墀於邊

文粹陰山

而聽其誓言監察御史韓君載筆而

隨焉我上將杖九廟之信而首盟其間以戎人心為心

戎乘我不虞而有

有字集作昧受

詭謀我計無素成而姦已宿

盟

二本作姦以宿萌

故勇者死奔者追而韓君為之擒

文粹有矣字

嗚呼有備無患軍志也戎人安所暴其詐千慮一失聖

人也韓君所

文粹
作是

以為之虜天其或者將用訓

二字
作警

我

非福戎也韓君之為擒其幾

文粹
作繫

命歟五年于今

集作
茲

生

死不尋謂之生豈復還期謂之死承承

又粹作永
集作往往

湮沈

或曰死矣怒如是切傷歌者之心

一作曾是切
商弦之心

絕國浩浩

窮西亘天

二字作
極濱

強蕃據

一本
作居

之雄視狺狺

文粹作
斷斷

流

沙無波陰山無春邊草不綠塞鴻不宿秦有長城漢有

遣人死者為鬼生者為臣哀哀

集作
曹

韓君生死窮辛鬼

能靈人能語君生其所死其所今兩寂然必文粹由中作心

阻君初奉使二本作役意氣集作西道白珪之貺唾掌可保

激義文粹作魯陽之虜二本作勇歎典屬之老及文粹即於事不

能盡二本作畫竒從軍之籌君固職之可疑不疑事果用危


集作固用帖危羣羌文粹作髮髻坐刃我師擒卒堪胷二本作倉卒

胷血殷朔陞實死者悲文粹作痛非禽者智集作非生之悲粹作非禽之悲

夾谷之會不聞仲尼秦中八集作九月黃葉始下長風西

來烈烈飄瓦集作望君申弔有集作亦懼來者已乎一魂

世文粹也命也



文苑英華卷一千